

N. 20 - ANNIBALE SCONFITTO DA SCIPIONE

Clades, quam Scipio Hasdrubali intulerat, Carthaginensibus tantum terrorem incussit, ut Hannibalem ex Italia ad tuendam patriam revocaverint, qui fremens gemensque mandatis paruit. Respexit saepe Italiam, semetipsum accusans quod exercitum victorem statim a pugna Cannensi Romam non duxisset (-uxerat). Cum Hannibal Zamam venisset, inde nuntium ad Scipionem misit ut colloquendi secum potestatem faceret. Dies locusque constituitur. Itaque congressi sunt duo clarissimi suae aetatis duces. Cum vero de condicionibus pacis inter illos non convenisset, ad suos se receperunt renuntiantes armis rem esse dirimendam. Proelium commissum est, victusque Hannibal cum quattuor tantum equitibus fugit.